

赤疰鬼名士言在西方生白瘟白毒白疰鬼
 名白毒在北方生黑瘟黑毒黑疰鬼名大黃
 奴父子七人男女兄弟各行惡毒疫氣正月
 至十二月各有瘟鬼隨其放逸天下病害又
 甲子乙丑寅卯辰巳午未申酉戌亥十二月
 辰瘟鬼皆有名字從十二時上來五方五色
 黃奴老蟲致令末世愚民逢禍致死不可稱
 計且受法之日約當助國扶命醫治百姓按
 如科文誅滅邪偽掃除逆鬼皆令滅絕且備
 受治職謹當伏地拜章上聞

太上無極大道諸君丈人鴻恩覆護善家悉
 與掃蕩精滅絕惡鬼根本上官使者時蒙
 斷省願東方主斗成主絕青瘟南方主斗平
 主絕赤瘟西方主斗遷主絕白瘟北方主斗
 長主絕黑瘟中央主五父君主絕黃瘟東西
 南北四維上下十二時神並令管衛惡鬼無
 令放入又東方青帝南方赤帝西方白帝北
 方黑帝四方一時同臨祐助上請高天萬丈
 百鬼中玉萬二千人兵士各八十萬眾與
 身中吏兵及守宅三將軍二十四吏兵士三

十萬人併刀同心蓋屋三重繞宅二市兵刀
 向外一時掃蕩凶逆邪精並令消滅所請
 天官言功報勞不負效信恩惟
 太上分別云云為善家拜請天官乞恩防漸
 疾病并隣里疾病請五方天官收捕五瘟疫
 癘鬼賊章一通上詣
 三天曹云云

赤松子章曆卷之三



赤松子章曆卷之四

斷鬼泉章

具法位

胎生千載慶幸得奉
 上言云云未即日叩頭自列口乞恩辭素以
 大道忝切蒙恩頃者已來居處輻軻疾病相
 連下筮云是小泉三河為禍并此間土地山
 林覓食之鬼侵害善身憂怖屏營不知修何
 功德唯用一心上懇
 大道以救性命告訴向臣求乞章奏收除里
 城東西南北山泉四壘河中諸雜鬼神橫行
 禍崇之者一切乞令收斷且職叨典治謹為
 伏地拜章一通乞
 太上老君太上丈人垂恩料省原赦某身恐
 是山丘壘泉三河五河乳母等鬼作此妨害
 上請摩幢大將軍改湖大將軍各五人返甲
 逆鱗大將軍五人兵士一萬人重請寬音大
 將軍官將各百二十人搖天動地九氣君吏
 兵士一千二百人請左靈君右靈君高天大
 將軍盟威君八卦君各官將百二十人上請

東方九夷君九八十一官君寅卯辰甲乙君南方八蠻君八八六十四官君巳午未丙丁君西方六戎君六六三十六官君申酉戌庚辛君北方五狄君五五二十五官君亥子丑壬癸君中央三秦戊己君千二百人上請誅符破廟君萬六千人太陰太陽太醫君治病功曹官將兵士各百二十人同心併力下為其收捕鬼賊付與天丁力士天一比獄依法治罪不令脫漏上章之後悉令斷絕蒙恩之日以為効信息惟

太上云云為其收斷河泉惡鬼章一通上詣其曹伏須告報

解天羅地網章

具法位

上言云云其身及妻子並有厄難恐為天羅地網以見纏結告訴向求乞章一通且以學淺不明氣候無精算術皆憑六甲五行更相剝復以知曆數凡以戌亥絕陽之鄉為天羅辰巳絕陰之地為地網年命會此則受其殃男以本命臨太歲功曹加生月為天羅傳

送加胎月為地網女以本命臨行年為天羅河魁加胎月為地網復以行年臨本命功曹加胎月為天羅傳送加生月為地網又天網臨太一下為天羅胎在登明下為地網五刑六害七傷九厄之月及以衰年衰月魁網雜

殺千凶萬患妨損非一恐其家大小年命有犯五方羅網九宮八卦更相剋伐仍是九天玄極之氣下遊世間縱橫九百九里羅者如炎火網者如黑雲卷帶九星精氣赤精煥爛若人年命當之立見凶損其令費法信素絹

一匹錢一千二百丈白米一石二斗油一斗二升紙一百二十張朱繩一百二十尺劍子一雙素練一兩筆墨香燈等伏惟

天官恩盼太上無極大道天師門下典者五氣君垂神省念上請東方寅卯辰甲乙青氣君解除東方青厄青毒南方巳午未丙丁赤氣君解除南方赤厄赤毒西方申酉戌庚辛白氣君解除西方白厄白毒北方亥子丑壬癸黑氣君解除北方黑厄黑毒中央戊己黃氣君解除中央黃厄黃毒五方之氣十二時

候皆不敢為害且聞上三五為天中三五為人下三五為地天有五行地有五氣人有五常天不失五行則日月精明地不失五氣則萬物滋生人不失五常則能生長禮樂獲全其家恐五氣不合臟腑不調五行更相剋剝

伏願上官典者為其上解玄象五星之考氣下解地上三十六禁忌中解其等身中千罪萬過謹請北斗七星貪狼巨門斷絕死源祿存廉貞替易死形文武曲削除死錄謹請解厄君太皇萬福君運氣君玉曆君各官將

百二十人下為其收捕眾災分解諸厄從一厄至于九厄所居里域真官注氣監察考君太祖父母家親丈人一切遷舉進入中宮署與功曹使分曹署職隨功加秩天曹科典令存亡受恩幽明相祐要以其身年命延長災

厄度脫以為効信息惟

太上分別

驛馬章亦云開度章

具法位

上言其以胎生下官子孫千載有章待奉

大道從來蒙恩共今當驛馬發年是求福之
 歲若不章奏扶迎恐有妙害年命傷尅官祿
 不運但以憂慮無功可修專用一心上章奏
 表復却驛馬之厄扶迎官祿不為災害奉貴
 法信金人一軀五色練等前件物將立心信
 求拔除驛馬之厄遠舉財祿過免時災永保
 元吉得入生圖扶迎驛馬以保壽命闔家大
 小並乞無他臣以愚昧不明氣候聞太易有
 補過謝罪之功道甲有向建避凶之道元元
 一心上懇

太上大道諸君丈人天師君三師夫人門下。
 或三命已窮一期載續謹請
 皇天上帝玉相華蓋北斗君三天司命加祿
 君扶命君扶持驛馬得成官祿以金人一軀
 上詣北斗拔命除死厄五色練各一匹以詣
 五方五帝迎蓋官祿紫案中牙笏衣幘木履
 等以證祿位紫本蓋一張以蓋本命帝一領
 以鋪正座油一斗二升以徹照虛玄青絲算
 子延續祿壽米一石二斗以益倉糧紙墨筆
 以書立生籍錢一千二百文以證質丹心香

一斤析北斗落死籍南斗上生名延壽無窮
 重請功曹生氣君吏上詣

太玄都生宮請調星度算替名易形上請度
 命君呼魂君北詣玄陰御女君延續姓名君
 各五人官將百二十人為某扶迎驛馬官祿
 超榮災厄殄滅光明心腑乾坤震巽坎離艮
 兌八卦二十八宿三丘五墓所典節氣善功
 付度周而復始上請祐命將軍萬福大人解
 患君靈氣君解厄扶衰君各十五人官將百
 二十人下為某同心併力保守身命祿位高
 遷延年益算穀帛盈倉錢財集聚永保元吉
 所請天官預有功勞依臣三會吉日言功不
 負効信恩惟
 太上分別哀臣愚劣謹因二官直使正一功
 曹左右官使者陰陽神決吏科車赤符吏剛
 風騎置驛馬上章吏官各二人出操臣某謹
 為某求乞和合驛馬除災厄迎財祿乞恩章
 一通上詣
 某曹伏須告報臣某誠惶誠恐稽首載拜以
 聞

謝五墓章

具法位

上言謹按文書今據某某云今月某日染
 疾速還不差恐不存生某家三曾五祖七世
 父母已來生時積罪招延殃孽或塚墓之中
 有訛訟之害嗔怒天地致使亡人不安擾動
 生人或岡勢斷絕松栢為人所伐所掘墻邊
 行徑道路侵逼墓所深恐一旦沒溺泉壤云
 除已備奏

諸天帝尊申三界真司牒合屬去處外今賣
 法信黃縑一匹白米一石二斗油一斗二升
 錢一千二百文紙筆香果等仰懇
 大道求乞章奏解謝先亡安穩塚墓從生及
 死千罪萬過並乞消除輒承口辭為伏地拜
 章一通上聞
 天曹願垂省察原赦先世及新亡并父遠及
 新舊墳墓所犯咒詛冤氣者悉為斷絕即求
 差愈先亡安穩塚墓清寧上請謝墓君五人
 又請都星君青蓋官都候君太清宮主及地
 甲君各官將百二十人下為某消除疾病解

謝先亡或墓在龍頭或葬在龍尾或葬在龍左或葬在龍右或葬在龍足舉動縮伸盤旋禁忌之處致令亡人魂魄震動恐怖不安返害生人致使生人輾轉疾病附注並乞消除五音丘丞墓伯塚中二千石諸塚考氣皆使賊絕安穩亡人無有殃禍一切原赦願存亡無責無罰一切和解見在家口與隆嗣胤不絕不負効信恩惟

太上分別求哀愚謹因二官直使正一功曹左右官使者陰陽神訣吏科車赤符吏剛風騎置吏驛馬上章吏飛龍騎吏官各二人出又因某日辰從官云云二人直神從官符舉此操謹為禱主某家大小疾病上拜請天官六龍謝墓還達亡人和解考氣乞恩實章一通上詣

太上某曹治某宮曹治隨日月伏須告報某誠惶誠恐稽首頓首載拜以聞

空三行

某官焚修

空三行

在墓前立香案焚香奠酒

空三行

在墓前立香案焚香奠酒

空三行

可漏月全缺一

內方函

太上在元天宮

外方函

三天門下

解五墓章

具法位

上言謹按

玄科今據仰頭自列素以胎生下官

子孫但某身中今歲行年到某辰上入墓之年或為五墓所纏及三殺之下夫人入墓之年恐被墓神注連鬼氣纏繞比者脚手沉重飲食不加罔知救贖五墓災厄扶護身命唯以一心上憑

大道仰希鑒照特垂救護今貴法信錫人五軀命米一石二斗命錢一千二百文命素一匹油一斗二升紙筆算子百二十枚向乞求乞章奏斷絕亡人殃禍令以錫人代形分解災厄延年保命謹以拜章一通上聞願

天曹上官典者垂恩照省原赦某身年七世已來所犯十罪萬過並賜除蕩五墓五方之厄來臨者以錫人五形代之令弟子無有錯悞之厄上請還命君壽命君延命君拔命君續命君扶命君益命君各五人官將百二十人下同為某上詣南宮中司命司錄轉贈弟子性命三藏一期三百一時解除身中災厄當為排天門却死籍移名青錄長生之簿永為後世種民上章之後某身中年命延長五墓殃注並令斷絕五墓災刑返為恩福以為效信恩惟
太上眾真分別求哀愚謹因同前章只謹為某上詣
天官解除五墓殃注災厄錫人代形乞恩紙章一通上詣

太上某宮曹治同前章式

謝先亡章

具法位

上言臣謹按

玄科今據神寶某比者中外夢想紛紜精神

惚恍或鬼賊屯集口舌橫生錢財耗散怪祟

屢見田產不收蓋由觸犯先亡翁婆先祖左

社右稷非竈土公凶神惡鬼闖家惶怖仰憑

大道告訴向臣求乞章奏都謝城隍杜廟神

祇諸部將軍大小虛耗十二禁忌一切先亡

並蒙解釋具如所列臣以愚昧不明氣候謹

為伏地拜章上聞

天曹伏願上官典者以時平省垂恩鑒照謹

為上請解過君解刑君解厄君各五人官將

百二十人為某都謝先亡却除災厄保護人

口平和從今年章御之後千罪萬過悉蒙康

赦願某家口大小危中得度敗中得成難中

獲免死中得生所請天官君兵士等有功勞

者依都言功舉遷不負效信思惟

太上眾真分別求哀臣愚劣謹因同前章式

謹為某拜請

天官都謝先亡乞恩報章一通上詣

太上某宮曹治同前章式

保胎章

具法位

上言臣謹按

玄科今據神寶某即日口辭自列素以胎生

下官子孫千載有幸得奉

大道赦受元恩某與妻無功可記有罪斯多

深恐一旦受此冤苦無所任持向臣求乞保

胎收却河邪乳母產婦懷胎後傷亡容聞鬼

賊謹為拜章一通上聞

天曹伏願

無上大道太上大道君太上老君上官典者

以時平省謹為上請安胎君二人護胎君二

人扶養度厄君二人萬福解厄君二人官將

百二十人下為某妻防保身命胎妊易生又

請保胎聖母君二人官將百二十人為某妻

守護三元丹田之中辟斥邪精魁鬼賊守

養赤子當令某妻身得安全免遭艱阻保護

胎妊安穩六甲足滿十月子母相見並蒙安

貼乞天門大聖擁護某娘身體和釋無生煩

惱當為諸君聖母言功報勞以為效信思惟

太上眾真分別求哀臣愚劣謹因同前章式

謹為某妻保胎章一通上詣

太上某宮曹治

催生章

具法位

上言臣謹按

玄科今據神寶某即日口辭自列素以胎生愚昧

荷蒙天地重光之覆某妻妊娠月數已滿恐

臨生不安倍增惶怖唯用一心上懇

大道告臣求乞章奏上聞

天曹不勝欣荷臣謹為伏地拜章一通願上

官主者以時平省謹為請天門子戶君二人

速生君乳母君導生君生母君天醫助生君

催生君各二人催生黃帝伏在中庭欲見子

母形體上請監臨坐草六百生父守護某妻

身生產滑利捨逆從順辟斥眾忌歲殺月殺

時殺白虎咸池千邪萬精一切消滅母子安

全如願從心解脫無他謹為諸君聖母祐助

衆神吉功報勞以為效信思惟

太上衆真分別求哀臣愚劣謹因如前事只謹為拜

天官催生口啓章一通上詣

太上曹治

小兒上光度化章

具法位

上言云即日居某村坊叩頭自列宿緣有

幸得奉

○大道欣慶無涯但某凡愚信奉多違招延考

氣順者已來有男某夢想紛紜恐以不為祥

瑞四丈虛弱慮染沈疴莫知何功可以防保

今貴法信投誠委質上懇

大道告訴向臣求乞壽命延長上光度化增

算益年扶衰度厄臣謹為拜章一通上詣

三天曹伏願

太上高尊無上元君慈父聖母上官典者特

乞平安上請天地五光君日月星宿五光君

東方請日光西方請月光南方請火光北方

請水光中央請土光上請壽命長生付著某

身形上請壽命君五人火炬君五人三魂七

魄君五人各官將百二十人下為流布天仙

妙藥太和之氣入某身中速願復色精光悅

豫上詣

天官與落死籍滂滂故氣注上生名六腑調

和五藏安穩光益壽命一切精崇並令消滅

夢想真正飲食甘美長保安全以為效信思

惟

太上衆真分別求哀臣愚劣謹因二官直使

正一功曹左右官使者陰陽神決吏科卑赤

符吏剛風騎置驛馬上章吏飛龍騎吏官各

二人出操臣謹為拜請

天官上光度化口章一通上詣

太上曹治

保嬰童章

具法位

上言謹按文書某夙生慶幸得奉

大道從來荷恩實為無量但某信敬多違男

女若干歲今在童兒未有所識即日憂惶恐

為故氣邪精尸暗穢乳母化神天地河伯

鈎星血波之鬼承闡構搗侵斥某身求臣保

祐伏地拜章上聞

天曹特從

太上老君諸君夫人天師君門下主者五氣

君垂恩省理上請陽仙護魂君陰仙護魄君

天養生君按摩某身削除胖肺腎中大小腸

膽上下幽都氣海道氣宣布百脉通利病厄

消湯願華光澤與日月同輝上請太皇萬福

君解患君東主父西王母君各五人官將百

二十人三天九官甲子甲午官君一切鬼毒

並不侵損仰荷鴻恩以為效信思惟

太上分別云為某拜請

天官為保嬰童章一通上詣

太上曹云云

斷七人復連章

具法位

上言謹按

仙科今據某云即日叩頭列狀素以胎生下

官子孫千載幸遇得奉

赤松子章曆 卷四

一一一〇七

大道誠實欣慰其信向違科致有災厄其今月某日染疾困重夢想紛紜所向非善尋求算術云亡其為禍更相復速致令此病連綿不止恐死亡不絕注復不斷闔家惶怖恐不生全即日詞情懇切向某求乞生理輒為拜章一通上聞

天曹伏乞

太上老君太上丈人天師君門下主者賜為分別上請本命君十萬人為其解除亡人復連之氣願令斷絕生人魂神屬生始一元一始相去萬萬九十餘里生人上屬皇天死入下屬黃泉生死異路不得擾亂其身又恐亡其生犯莫大之罪死有不赦之懲繫閉在於諸獄時在河伯之獄時在女青之獄時在城隍杜廟之中不知亡人其魂魄在何處並乞遷連令得安穩上昇天堂衣食自然逍遙無為墳墓安穩注訟消沈其身中疾病即蒙除愈復連斷絕元元如願以為效信思惟
太上眾真分別求哀為其上請
天官斷絕亡人復連章一通上詣

太上其曹治

疾病謝先亡章

具法位

上言謹按

玄科今據某云但某以信向多違招延災祟頃者已來怪異屢表疾病更互合家憂惶尋究算術云是家先并客死之鬼嗔責生人恐是前後年節祠祀飲食不精所設微薄為後世禍崇所伐乞丐
太上大道君遷連迴轉去離憂苦之處謹為上請保護君護命君各五人官將百二十人為其身典治鬼等所有疾病厄難原赦除愈以為效信思惟
太上眾真分別求哀為其上請
天官疾病謝先亡章一通上詣

太上其曹治

收除火殃章

具法位

上言謹按

玄科今據某州縣鄉貫某即日口辭自列素

以胎生下官子孫千載有幸得奉

大道從來蒙恩誠實欣慰其以凡味修奉違科屢招災考比者已來聞見不具忽以某時見火殃落在某處所先影耀地恐是死殃火殃散漫村坊侵害百姓男女遭罹非一吁嗟道俗不可稱計憂惶恐怖何以禳却仰憑一心上告

大道謹依師法伏地拜章一通上詣

三天曹今火殃即時消滅上請中官諸官君及錄上將軍二十四吏兵士三十萬人天地水三官算考君君吏道上二玄三元四始甲子諸官君四方位杜邑里君四野五野七野九野都平君等所居某里中真官注氣上請北方太陰君官將百二十人治太陰宮又請風伯雨師消滅某處火殃速去千里又請誅殃君官將百二十人所部宋無忌主收火殃之鬼令不燔燒良民所居住宅屋舍倉園上官典者勅東方心尾二宿藏火精攝異神勅風伯藏伏氣非節不行又請九海北玄君官將百二十人動畢星宿昇陰氣與散雨雲

制伏火殃令不得起某等村坊某家恣令火
火不發竟歲無他宅舍安定人口平安以為
效信息惟

太上眾真分別求哀且為某拜請

天官收除火殃口章一通上詣

太上某官曹治

上清言功章

具法位

上言謹按文書牒得某州某縣弟子某年若
干某月日生伏自惟省素以胎弱微茂宿緣
幸會得奉

大道歸命正真荷四時所養皇老好生太上
悉殺賜且氣命逮及今日仰受太陽之恩謀
蒙師道之澤賜署治錄進叨老君道德五千
文尊經洞神洞玄洞淵洞真等法奉受之日
要當供養寶文修功立德行合神仙長生度
世永壽無極縱不得仙度託命太陰受煉更
生化為真人免脫三塗道重人輕實非尸肉
所行參佩廣開法門舟航一切濟度天人存
靈念真餐御吐納注心玄極修行生道非法

不精非法不具但且積世無狀七世已來莫
大之罪結固未已至有誠心未能潛隱特以
伏地奏聞為且所佩三洞經法等五帝真靈
玉女直符直事領仙侍即監察大夫日月星
宿五嶽四瀆十方真官法上將軍吏兵千乘
萬騎悉同言功報勞上詣

玄都進品上仙加爵帝秩隨科署真無令遺
失且家七祖父母去離苦惱上登天堂衣
食自然天下太平且學道未備俯仰之格
道法難精前後施為不合儀式為四司所糾

五帝所執千愆萬過乞蒙原赦且身中五
體真官受秩事竟各還且身中保氣全真安
穩如故恩惟

太上眾真分別求哀且謹為拜上

天官言功報勞章一通上詣

太上某官曹治

三五雜錄言功章

具法位

上言謹按文書某州某縣弟子某年若干歲

某月生伏自惟省千歲幸會得奉

大道被受元恩且仙靈二十四治錄錄上
將軍吏兵奉受之日誓依師教優優且吏兵醫
治百姓修身之外救物為先三會吉日舉遷
言功且自受任已來諸所施行皆如所願謹
依科法以今月某日三會吉辰拜奏言功章

一通為且所佩受三五上靈官一將軍錄三

五上靈官十將軍錄百五十將軍錄赤天中

部赤錄赤天三部三將軍錄百鬼召錄混沌

赤錄九州社令錄星剛二十八宿錄河圖錄

解六害神符錄九鳳破穢錄都章卑印錄華

蓋錄九天兵符錄九宮捍厄八卦護身錄考

召錄斬千鬼萬神錄大斬邪錄四部禁氣錄

斬河邪錄功曹錄保命長生錄等二十四階

法錄六壬太一雷公三十六部神式錄八史

君六甲及千靈符十二月將時直二十四治

職將軍錄孝道仙王一十八階征山神將錄

中宮敵健剛武強伐商天萬丈百鬼中玉都

官從事高功司馬中騎大將軍八極排天延

壽六星斗君中黃司政君元黃九仙司直君

魁頭主刺君剛頭司殺君消災散禍扶命解

厄君天驕甲卒天力士等保守身如故
令所向金石為開水火為滅所厭者伏所
治者愈所解者開所繫者破所消者散眾惡
邪賊欲見中傷身者一切滅絕令蒙過度三災九厄凶世惡年萬姓歸仰覩見
太平奉迎聖君永為種民過泰之恩以為效
信恩惟

太上云今因三會大慶奉為身中所佩三
五將軍內外雜錄君吏拜上言功章一通上
詣
太上三天曹云云載拜以
聞

具法位

絕泰山死籍言功章

上言謹按文書某州縣鄉里觀上清大洞三
景弟子某嶽先生某等年若干某月生素
以胎生千載有幸得奉
大道師老垂矜賜署治籍不以凡愚恭佩經
寶真秘重荷恩過泰欣慰固極但某雖
叨妙法不閑科禁功無絲髮愆犯罪積累年

輒軻生途不稱居住不安命屬

皇天上帝十二司命君謹按天師舊儀三會
吉日斷除泰山死籍削除右契罪名死日改
定生籍注上生名左錄長生宮中上請倉生
君一人請為三官將吏兵士一切言功受資

如常原故某等所犯謬誤之愆先亡眷屬
同免苦楚受大福德衣食自然殃疢斷絕道
氣降附存亡清泰以為效信恩惟

泰山云云為依法三會吉辰拜上上請
天官斷除泰山死籍改定生籍乞恩紙筆章
一通上詣
太上某宮曹治

具法位

遷達先亡言功章

上言謹按文書某州縣觀上清三洞三景弟子
某嶽先生某年月生素以胎生千載有幸
得奉
大道兼蒙師真賜佩天官治錄叨奉經寶以
存供養以好道樂生奉宣文書助國扶命
勸化萬民百姓一切蒙恩

太上大道諸君丈人重恩成就伏聞
大道三會吉日太上老君下流八極澤潤無
垠等先亡三曾五祖七世父母前亡後死
五服種親或恐執繫地獄之中未能下解者
乞丐

太上大道君上官典者願今奏章告下天
地水三官泰山二十四獄中黃天九平獄中
那大獄水官土府九江水帝河伯呂公子將
從掾吏徒謫後作罪目五盟七詛不忠不孝
陰惡怙匿從天至地一切原赦令學業成
就智慧增廣宿愆赦貫存亡安泰以為效信
恩惟

具法位

百姓言功章

太上分別云云今日三會吉慶自拜上遷
達三曾五祖七世父母乞恩紙章一通上詣
太上三天曹云云載拜以
聞
上言云但依天師舊式以三會都治舍
所領戶化民依天師文書報死言生并天師

昔所布下二玄三元四始甲子諸官君將吏兵二十四治官將吏兵等言功舉遷今依科禁不敢不聚會謹於所在某處鄉甲觀中條列所領戶化民百姓男女求恩乞願並佩正一盟威等錄二十四階七十五童子并及散民等願請無上玄老太上三尊將軍吏兵守宅三將軍兵士三十萬人保護某家口男女使三災九厄並乞隨章蕩散并身中內外種親及所佩法錄等前七後化男女之鬼並乞遷達免離諸苦上昇天堂斷絕復連宿疾除差日就安穩蒙恩如願以為效信恩惟太上分別云云依常品拜上今年某月日三會吉慶言功云云載拜以聞

赤松子章曆卷之四

赤松子章曆卷之五

為天地神祇言功章

具法位

上言謹按文書某州縣鄉恩觀道士某某等素以胎生叨賜

天官治錄內外重香過泰之恩以下愚六

情奔湧不自覺知歲月滋深積罪無數難可

安全仰賴身中所受神仙寶錄所見營護受

恩隆重伏地拜章一通上聞特從

太上無極大道諸君丈人天師君夫人造化

之恩教臣等宿世今生千罪萬過及臣前後

為百姓男女消災救疾告急章奏建立齋直

施行功德口啓願諸所求乞上請

天官役使吏兵及天地水三官前後水陸行

諸道逕州縣鄉亭里域諸官君正炁助道興

化者從正月十月已來天官吏兵有功勞者

悉乞為言功遷加爵秩從一等至百等從百

等至千等如

天曹科品錄署使曹穩職無令失意有恨者

天官地官水官受功事訖各還本位并從正

月至十二月所請君將吏兵今為言功月一
日至三十日所請君將吏兵今為言功日子
時至亥時所請君將吏兵今為言功盡為舉
遷依

天曹科品皆無令恚恨符契吏兵及時伏臣

等身中保守如故伏願

太上無極大道諸君丈人天師君夫人降下

正一生炁覆蓋臣身生氣真全宿疾除愈

四體輕強三尸墮落九蟲沈零學道樓神心

開意悟曉知未來長生久視神仙度世得見

太平願臣生緣家口大小等身並乞災厄過

度年命延永五瘟疫毒不敢侵斥至來年某

月某日安穩如願當為眾官拜奏言功不負

效信恩惟

太上分別求哀臣愚劣謹因二官直使正一

功曹左右官使者陰陽神決吏科車赤符吏

剛風騎置驛馬上章吏官各二人出操臣某

因三會吉慶為天地神祇及臣等身中吏兵

為前後百姓同詣救治疾厄求乞恩福臣等

拜上都言功口章一通上詣